



AKT - THEMELIMI I SHOQERISE TREGETARE

“SOTA - OSMENAJ” SH.P.K.

Sot më datë 26 janar 2000 ne të nënshkruarit Rrapi Sota dhe Bajame Osmënaj, me dëshirën dhe vullnetin tonë të plotë, në mbështetje të Ligjit nr. 7638 datë 19.11.1992 “Për shoqëritë tregëtare” dhe nr. 7667 datë 28.01.1993 “Për regjistrimin në regjistrin tregëtar dhe formalitetet që duhen respektuar nga shoqëritë tregëtare” vendosëm që të formulojmë këtë akt për themelimin e një shoqërie tregëtare private me përgjegjësi të kufizuar sh.p.k. si më poshtë vijon:

Neni 1.

Të formohet shoqëria tregëtare me përgjegjësi të kufizuar me emërtimin “SOTA-OSMENAJ” sh.p.k..

Neni2.

Shoqëria do ta ketë qendrën e vet në L.Kastriot,në qytetin e Fierit dhe mund të hapë sipas rastit edhe filiale e degë të tjera në qytete të tjera.

Neni 3.

Shoqëria krijohet për një aktivitet me kohëzgjatje mbi dhjetë vjet punë të njëpasnjëshme. Ky afat mund të zgjatet por edhe mund të shkurtohet për rastet kur shoqëria do të shpërbëhet sipas përcaktimeve që do të pasqyrohen në statut.

Neni 4.

Themelues të shoqërisë janë zoti Rrapi Sota dhe zj. Bajame Osmënaj, të cilët janë dy ortakët e saj dhe administrator i shoqërisë është zoti Rrapi Sota .

Neni 5.

Shoqëria tregëtare private “SOTA-OSMENAJ” sh.p.k. ka për objekt të veprimtarisë së saj:

Tregtim i artikujve te ndryshem ushqimore dhe industriale me shumice dhe pakice; eksport-import.

Prodhim dhe ambalazhim i ujit të pijshëm, i gazuar dhe i pagazuar, i pijeve freskuese të buta, birrës etj të kësaj natyre.

Grumbullim, përpunim, ambalazhim dhe ruajtje në të ftohtë (frigoriferike) e frutave, perimeve dhe produkteve blegtorale.



Neni 7.

Fitimi i shoqërisë iu përket tërësisht ortakëve të shoqërisë, zotërinjve Rrapi Sota e Bajame Osmënaj. Ky fitim do të disponohet lirisht prej tyre në bazë të raportit të kontributit të tyre në kapitalin themeltar, pasi të jenë shlyer më parë detyrimet tatuese fiskale dhe ato ndaj të tretëve.

Neni 8.

Organ vendimor në shoqëri është Asambleja e ortakëve, e cila thirret në seancë të zakonshme të paktën një herë në vit dhe drejtohet nga Administratori i shoqërisë. Kjo Asamble merr vendime të zakonshme ose të jashtëzakonshme sipas disponimeve të statutit të shoqërisë.

Neni 9.

Do të konsiderohen veprimtari e shoqërisë vetëm ato veprime juridiko-civile që do të kryhen nga organet ose punonjësit e saj, konform disponimeve në statutin e saj dhe në mbështetje të legjislacionit në fuqi.

Neni 10.

Si rregull, veprimet ekonomike të shoqërisë do të mbyllen më 31 dhjetor të çdo viti. Përrjashtim nga ky rregull do të bëhet kur e kërkon organi kompetent ligjor.

Neni 11.

Shoqëria do të shpërbëhet sipas rasteve që do të përcaktohen në statutin e saj.

Neni 12.


Mosmarrëveshjet që mund të lindin midis personave pjesëmarrës ose jo në shoqëri, do të zgjidhen me mirëkuptim midis tyre. Në rast se kjo nuk arrihet, ato do të zgjidhen nga Gjykata kompetente sipas legjislacionit shqiptar.

Neni 13.

Ky akt themelimi përpilohet në 4 kopje të barabarta në gjuhën shqipe, njëra prej të cilave do të ruhet në dokumentacionin bazë të shoqërisë tregëtare "SOTA-OSMENAJ" sh.p.k.

ORTAKET E SHOQERISE

RrapiSota



Bajame Osmënaj



STATUTI

I SHOQERISE ME PERGJEGJESITE KUFIZUAR

“SOTA -OSMENAJ “

FORMA, BAZA JURIDIKE, SELIA.

Neni 1.

Shoqëria tregtare formohet nga themeluesit:

- Rrapi Sota, i biri i Nasit, lindur me 1962 ne Fier e po aty banues ;
- Bajame Osmënaj, e bija e Kamberit, lindur më 1956 në Luftinjë, Tepelenë, banuese në Fier;

Neni 2.

Shoqëria është person juridik dhe është krijuar në përputhje me Legjislacionin Shqiptar dhe si e tillë e fillon aktivitetin me regjistrimin e saj në regjistrin tregtar të Gjykatës së Rrethit Tiranë.



Neni 3

Selia e shoqërisë është në L.Kastriot, Fier. Shoqëria mund ta ndryshojë selinë e saj me zgjerimin e aktivitetit dhe miratimin e ortakëve.

Neni 4.

Shoqëria e zhvillon aktivitetin në përputhje me Statutin e saj dhe Legjislacionin shqiptar, në territorin e Republikës së Shqipërisë dhe jashtë tij.

Shoqëria mund të krijojë filiale në vende të tjera në përputhje me legjislacionin përkatës të atij vendi.

LIBRI I SHOQERISE

Neni 5.

Për të precizuar dhe saktësuar veprimtarinë e vet ekonomike dhe marrëdhëniet e punës, shoqëria do të nxjerrë librin e vet, i cili do të quhet LIBRI I SHOQERISE.

KONFIDENCIALITETI

Neni 6.

Të gjitha aktet dhe dokumentet e tjera që do nxirren nga shoqëria të destinuara për të tretët si letrat, faturat, lajmërimet dhe publikimet e ndryshme, duhet të tregojnë lexueshëm emrin e shoqërisë dhe pas tij fjalët "Shoqëri me përgjegjësi të kufizuar ose inicialet sh.p.k. dhe emrin e administratorit.

KOHEZGJATJA E SHOQERISE

Neni 8.

Shoqëria do të zhvillojë aktivitetin e saj me afat mbi 10 vjet të marra si vite kalendarike duke filluar nga data e regjistrimit në regjistrin themeltar.

OBJEKTI I VEPRIMTARISE



Neni 9.

Tregtim i artikujve te ndryshem ushqimore dhe industriale me shumice dhe pakice; eksport-import.

Prodhim dhe ambalazhim i ujit të pijshëm, i gazuar dhe i pagazuar, i pijeve freskuese të buta, birrës etj të kësaj natyre.

Grumbullim, përpunim, ambalazhim dhe ruajtje në të ftohtë (frigoriferike) e frutave, perimeve dhe produkteve blegtorale.

KAPITALI THEMELTAR

Neni 10.

Kapitali themeltar i shoqërisë është 100.000 lekë i ndarë me nga 50 % secili.

Ky kapital është shlyer plotësisht dhe nënshkruar nga ortakët.

Shoqëria mund të shtojë apo pakësojë kapitalet e saj me miratimin e ortakëve themelues.

Neni 11.

Pjesët e kapitalit themeltar janë lirisht të transferueshme ndërmjet ortakëve. Gjithashtu pjesët e kapitalit themeltar mund t'iu transferohen edhe të tretëve me miratimin e ortakëve. Po kështu, ato janë lirisht të transferueshme në rast ndarjesh pasurore mes bashkëshortëve si edhe në rrugë trashëgimie. Transferimet e pjesëve të kapitalit themeltar duhet të vërtetohen me një akt noterial.

STRUKTURA JURIDIKE DHE ADMINISTRIMI I SHOQERISE

Neni 12.

Shoqëria do të konsiderojë si qendër të saj atë në L.Kastriot, të qytetit të Fierit, Rrethi Fier, Shqipëri. Ajo mund të hapë sipas rastit filiale dhe degë të tjera në qytete të tjera të vendit.

Neni 13.

Organi më i lartë i drejtimit të shoqërisë është Asambleja e Ortakëve. Shoqëria administrohet nga administratori Rapi Sota.

ASAMBLEJA

Neni 14.



Mbledhjet e Asamblesë janë të zakonshme dhe të jashtëzakonshme. Mbledhjet e Asamblesë së zakonshme duhet të thirren të paktën njëherë në vit.

Neni 15.

Thirrjet e Asamblesë bëhen me letra që përmbajnë rendin e ditës, vendin dhe orën e mbledhjes dërguar secilit ortak së paku 10 ditë përpara, ose, në raste urgjente, së paku 2 ditë para, me telegram. Administratori duhet të njoftojë gjithashtu Asamblenë brenda 5 ditëve kur ka marrë kërkesë nga ortakët ose nga njëri prej tyre, që përfaqëson së paku 10 % të kapitalit të shoqërisë dhe në këto kërkesa tregohen çështjet që duhen trajtuar.

Asambleja drejtohet nga Administratori i shoqërisë nëqoftëse ajo nuk vendos ndryshe. Administratori emëron një sekretar për të mbajtur proces verbalin.

Secili ortak mund të përfaqësohet edhe me një prokurë të posaçme me shkrim nga një person që nuk është ortak.

Neni 16.

Asambleja merr këto vendime të zakonshme:

- miraton statutin e shoqërisë dhe rregulloren e brendshme të saj
- zgjedh administratorin e shoqërisë
- vendos dhe analizon veprimtarinë ekonomike dhe financiare të shoqërisë
- bën pranimin e antarëve të rinj të shoqërisë

Neni 17.

Asambleja merr vendime të jashtëzakonshme si:

- ndryshimin e statutit të shoqërisë dhe aktit të krijimit
- emërimin e personave të ngarkuar për likuidim


Neni 18.

Asambleja e zakonshme dhe e jashtëzakonshme krijohet në rastin e parë të takimit me prezencën e ortakëve, të cilët, vendosin në mënyrë të vlefshme, me vota pro, me aq ortakë sa të përfaqësohet shumica absolute e kapitalit themeltar.

LIBRAT E SHOQERISE, BILANCI, SHPERNDARJA DHE LIKUIDIMI.

Neni 19.

Shoqëria është e detyruar të mbajë, përveç dokumentacionit kontabël ose librave të tjerë edhe këto libra:



1. Libri i ortakut, në të cilin shënohet emri i plotë i tij dhe kuota e kapitalit themeltar
2. Libri i Mbledhjeve dhe vendimeve të organit vendimor
3. Libri i Mbledhjeve dhe vendimeve të organit administrativ:

ADMINISTRIMI

Neni 20

Administratori ka kompetenca per te vepruar ne mardheniet me te tretet ne emer te shoqerise ne te gjitha rrethanat.

Administratori ka te drejte te marre pjese ne shitblerje, procedura falimentimi, te tjetersoje pasuri te tundshme dhe te patundshme, te hape llogari rrjedhese prane bankave shqiptare dhe te huaja, te perfaqesoje shoqerine ne organet gjyqesore dhe ato administrative.

I pajisur me prokure te posacme nga Asambleja, administratori mund te kaperceje dhe te veproje edhe pertej kufizimeve te siperpermendura ne kete nen. Administratori merr te gjitha vendimet qe jane ne interes te punes dhe prodhimit per problemet e emergjences.

Raporton dhe pergjigjet para Asamblese per drejtimin e shoqerise.

Vendos per marrjen ne pune dhe largimin apo pushimin nga puna te personave qe ai ka në varesi administrative .

Administratori eshte unik. Ai mund te jete njeri nga ortaket ose nje person tjeter.

Neni 21

Administratori zgjidhet nga asambleja e ortakeve per nje afat dy vjecar. Me mirekuptimin e ortakeve ai mund te qendroje si i tille edhe pertej ketij afati me kusht shqyrtimin formal te kanidatures se tij menjehere pas mbarimit te mandatit dy vjecar. Kanidatura nuk eshte e perseritshme kur te pakten 40% e kapitalit themeltar e perfaqesuar nga nje a me shume ortakë nuk e mbeshtesin ate.

Administratori e pushon veprimtarine e tij kur :

- Jep doreheqjen
- Perfundon afati
- Shkel rende e ne menyre te perseritur statutin, aktin e themelimit, dhe ligjet e shtetit shqiptar.

ANTARESIA (Te qenit ortak)

Neni 22




Antare i shoqerise quhet ai person i cili merr pjese ne kapitalin themelor te shoqerise me te drejten e tij te pronesise mbi pjeset e tij te njohura ligjerisht me aktet ligjore, konform legjislacionit shqiptar.

Antaresia ne pergjithesi eshte e drejte vetiake.

Kuotat e antarit mund te trasferohen me akte ndermjet te gjalleve nga ortaku tek bashkeshorti dhe farefisi. Ato mund t'iu transferohen edhe te tjeleve. Gjithmonene keto raste kerkohet miratimi i Asamblese se ortakeve.

Antari i shoqerise nuk mund te jete si i tille ne me shume se nje shoqeri me kete objekt veprimtarie.

Neni 23.

Te drejtat e antarit humbasin kur :

- Antari largohet nga shoqeria me deshiren e vet
- Zhvillon aktivitet te jashtem ekonomik qe bie ndesh dhe demton rende interesat e shoqerise apo i krijon asaj per perfitim persona situata renduese konkruuese.

Neni 24.

Cdo anëtar ka te drejte

- Te zgjedhë dhe te zgjidhet ne organet e shoqerise
- te marre pjese ne veprimtarine prodhuese dhe shoqerore te shoqerise
- te gezoje te ardhurat (fitimin) qe rrjedh nga aktiviteti i shoqerise

BILANCI

Neni 25

Bilanci mbyllet ne 31 dhjetor te cdo viti. I pari do te jete ai i vitit 2000

Llogarite vjetore ,inventari,raportet mbi operacionet e vitit financiar dhe raportet e hartuara nga eksperti kontabel i autorizur nga ortaket,miratohet nga ata.

Miratimi i ketyre dokumentave mbiveprimtarine vjetore behet brenda nje afati prej 4muajve nga data e mbylljes se vitit financiar.

Neni 26.

Shoqëria me përgjegjësi të kufizuar i përballon humbjet e saj deri në kufirin e vlerës së kapitalit të investuar në të.

DIVIDENTET

Neni 27.

Pas miratimit të llogarive vjetore dhe të evidentimit të ekzistencës së fitimit, përcaktohet pjesa që iu takon ortakëve themelues në formën e dividendit mbi fitimin.

Ky fitim përbëhet nga: fitimi i vitit financiar, të cilit i janë zbritur shumat e lëna mënjanë për fondin e lënë rezervë të domosdoshëm, të përcaktuar nga ortakët, të fondeve të tjera që shihen të nevojshme dhe nga ana tjetër janë zbritur ose



janë shtuar respektivisht humbjet apo fitimet e mbartura nga vitet e mëparshme.



SHPERNDARJA DHE LIKUJDIMI I SHOQERISE

Neni 28

Shoqëria prishet kur ka një prishje të parakohshme të parashikuar me ligj ose me vendim të Asamblesë.

Neni 29.

Shoqëria hyn në procesin e likuidimit që në momentin e prishjes së saj. Për kryerjen e këtij procesi ortakët caktojnë një ose disa likuidues, të cilët i paraqesin Asamblesë raportin mbi gjendjen e aktivitetit dhe pasivitetit të shoqërisë, mbi ndjekjen e operacioneve të likuidimit dhe mbi afatet e nevojshme të përfundimit të tyre. Në fund të procesit të likuidimit ortakët vendosin mbi bilancin përfundimtar financiar dhe mbi mbylljen e procesit të likuidimit. Pas pagimit të kreditorëve dhe shlyerjes së kapitalit themeltar kontribues (nëse ka të tjerë) likuiduesi ndan kapitalet për dy ortakët themelues.

MARREDHENIET PER PUNESIM

Neni 30.

Kriteret e përgjithshme të punësimit të personave të tjerë, numri i tyre, kufijtë e pagesës dhe detyrat e secilit në shoqëri, përcaktohen nga ortakët. Punësimi i personave në shoqëri kryhet mbi bazën e kontratës individuale të punës të hartuar sipas legjislacionit shqiptar në fuqi.

Neni 31.

Shoqëria merr përsipër të respektojë rregullat në fuqi të punësimit dhe të sigurimeve shoqërore për të gjithë të punësuarit, ndërsa këta të fundit duhet të pranojnë këtë statut.

Të punësuarit përgjigjen sipas ligjit dhe sipas këtij statuti për moszbatimin e detyrave dhe për dëmet që ata i shkaktojnë shoqërisë.

Neni 32.

Të gjitha mosmarrëveshjet që mund të lindin gjatë ekzistencës së shoqërisë ose gjatë periudhës së likuidimit, ose midis shoqërisë dhe të tretëve, do të tentohen të zgjidhen me mirëkuptim, në të kundërt do t'i paraqiten për zgjidhje gjykatës kompetente shqiptare konform legjislacionit.

DISPOZITA TE FUNDIT

Neni 33.

Shtimi i ortakëve.

Kur ortakët janë dakord që të bëhen shtesa kapitali me anë të personave të tjerë, që këta të konsiderohen ortakë, duhet të veprohet kështu:

- Së pari: Merret vendimi nga ortakët themelues, ku shqyrtohet kërkesa e të interesuarit, bëhet pranimi dhe përcaktohet kuota e kapitalit që do të derdhë ortaku i ardhshëm.
- Së dyti: Bëhet regjistrimi në librin e ortakut, ku shkruhet emri i plotë i ortakut të ri dhe kuota në kapitalin e shoqërisë.

Veprimi i bashkimit me ortakun e ri duhet të bëhet me një akt noterial

Neni 34.

Përsa nuk është shprehur në këtë statut i referohet plotësimit të mëtejshëm me anë amendamentesh sa herë që e shohin të arësyeshme ortakët themelues të kësaj shoqërie. Ndryshimet dhe plotësimet e këtij statuti bëhen në të njëjtën mënyrë dhe procedurë me të cilën bëhet vetë nxjerrja e këtij statuti.

Ndryshimet nuk prekin personalitetin juridik të shoqërisë.

Ky statut është hartuar në 5 kopje shqip, nga të cilat njëra depozitohet në Gjykatën e Tiranës dhe pasi u lexua e gjendet në përputhje me vullnetin e palëve nënshkruhet rregullisht prej tyre.

ORTAKET THEMELUES

Rrapi Sota

Bejme Osmenaj

REPUBLIKA E SHQIPERISE
ZYRA E NOTERISE FIER
Nr.Regj.21...Kol.

Fier më 26.1.2000.

VERTETIM

Vërtetoj se para meje noteres u paraqitën shtetasit Rrapi Sota, i dtl 1962 lindur e banues ne Fier dhe Bajame Osmenaj, dtl 1956, lindur në Luftinjë, Tepelenë, banuese në Fier, të dy madhorë, me zotësi të plotë veprimi juridik, të cilët e nënshkruan aktin në praninë time.

NOTERE
Natasha Kolaneci

PULLE TAKSË

